

INUIT ATAQATIGIIT INATSIARTUNI



UKA2025/81

16. oktobari 2025

Iddimanggiu Bianco

Namminersorlutik Oqartussat nalunaarutaata iluarsaanneqarnissaa pillugu illersuinnermut timmiarniarnermullu¹ appanik² taateraani³ piniarsinnaanerup nalaani peqassuseq aalaakkaasumik nalilerneqarsimappat zoneni aalajangersimasuni ulluni 30-ni sivitsorneqarnissaa pillugu Naalakkersuisut kingusinnerpaamik UKA2026 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Jens NapãtôK', Naleraq)

Oqaaseqaat.

Siullermik qujaffigaatsigit Jens NapãtôK' Naleqqamiit siunnersuummut.

Inuit Ataqatigiinniit isumaqataavugut piniagassagut nalimmassarfigissallutigit piffissanngorpoq, imatut paasillugu malittarisassat ullutsinnut tulluartsartariaqalernerannik.

Inuit Ataqatigiinniit isumaqarpugut piffinni assigiinngitsuni inissisimanerput, nunarput isorartutillugu periutsit piniarfiillu piffissat assigiinnginneri peqqutaallutik tulluarluinnartoq kommunet nammineerlutik akisussaaffik tigugunikku.

Piniagassat assigiinngitsut kommunemiilereernerit tulluarsakkamik ingerlanneqartarneranut takussutissartaqarpoq, aaliagiinerillu piffinniit piffunnut assigiinngitsunik tulluarsakkamik ingerlanneqartarlutik.

Uanilu appanik taateraani³ piniarnerit aamma tulluulluinnarput kommunenut akisussaaffik tunniunneqarpat piffikkaartumik piffissamullu tulluartumik ingerlanneqarnissaanut inissinneqarsinnaaneri.

Taakku tunngavigalugit aalisarnermut piniarnermut nunalerinermullu ataatsimiitsitaliamut ingerlanneqarnissaa innersuupparput.